

1523
3

სარგის კაკაბაძე.



დიდის ალექსანდრე მეფის გამეფების თარიღი.

საგვ-2700
ფეოფანოვი

ტფილისი

სტამბა, ბ. ა. კილაძისა, ჯელიამინოვის ქუჩა № 6.

1913



K 15.523
3

დიდის ალექსანდრეს გამეფების თარიღი.

საქართველოს მეფის დიდის ალექსანდრეს გამეფების თარიღის შესახებ უტყუარი ცნობა მოიპოება ერთს მისს სიგელში „საურისა ამოკუეთისა“ 1440 წელს. ამ სიგელში ნათქვამია: „ქორონიკონსა რა (101) მეფედ დავჯედ [იყო მაშინ ყოველი საქართველო უსჯულოსა თემურისაგან (აოკრებულ) და ქართლი უნუგეშინისცემოდ განსრული დაგუიხუდა“¹⁾. აქედან ცხადია ალექსანდრე გამეფებულა 101 ქორონიკონს. მაგრამ აქ ჩნდება ერთი საკითხი, რომლისათვისაც საზოგადოდ აქამდის ყურადღება არ იყო მიქცეული, ქორონიკონი პირველ იანვრიდან უნდა ვიანგარიშოთ, თუ წინანდელ წლის 1 სექტემბრიდან. ბიზანტიაში ამ დროს, ცნობილია, წელიწადი 1 სექტემბერს იწყებოდა. როგორ იყო ამ დროს ჩვენში? მხოლოდ ამის გაგების შემდეგ შეიძლება საზოგადოთ საშუალო საუკუნოების სხვა და სხვა ფაქტების უფრო სწორად დათარიღება. კერძოდ ის საკითხი, თუ როდის გამეფდა დიდი ალექსანდრე შეიძლება ზემოდმოხსენებულ ცნობის გარეშე გამოირკვეს ზოგიერთ ამ მეფის მიერ ბოძებულ სიგლის მიხედვით, რომელიც კი დაწვრილებით დათარიღებულია, როგორც ქორონიკონისა, ისე მეფობის ინდიქციონის ჩვენებით. სახელდობნი, მცხეთის ერთი სიგელი № 57 დაწერილია 112 ქორონიკონს (=1424 წ.) 6 იანვარს მეფობის ინდიქციონსა მე-12-ს²⁾. კიდევ მეორე სიგელი ალექსანდრე მეფისა ბოძებულია 128 ქორონიკონს (=1440 წ.), 20 ფებერვალს, მეფობის ინდიქ-

¹⁾ Акты кавк. археогр. ком. I.

ქორონიკები, II, 247.

²⁾ ქორონიკები, II, 2: 8.



ტიონს მე-28-ს³⁾). ამ ცნობების მიხედვით ალექსანდრეს გამეფება უწევს 1412 წლის 21 ფებერვლიდან 1413 წლის 5 იანვრამდის. ერთი სიგელი მცხეთისა კიდევ ბოძებულია 101 ქორონიკონსა (=1413 წ.) მარტის 11, მეფობის ინდიქტიონს პირველს⁴⁾). მაშასადამე, ალექსანდრე გამეფებულა არა უადრეს 1412 წლ. 12 მარტისა და არა უგვიანეს 1413 წ. 5 იანვრისა. შემდეგ, მცხეთის № 3 სიგელი ბოძებულია 108 ქორონიკონს, 10 სექტემბერს, მეფობის ინდიქტიონს მეშვიდეს⁵⁾). თუ აქ წელიწადი პირველ იანვრიდან ვიანგარიშეთ, მაშინ 10 სექტემბერი 108 ქორონიკონისა უდრის 1420 წელს და ალექსანდრეს გამეფება უწევს ამ სიგლის მიხედვით 11 სექტემბ. 1413 წ. — 11 სექტემბ. 1414 წლ., რაიც არ ეთანხმება ზემოდნახსენებ ცნობებს. ხოლო თუ წელიწადი 1 სექტემბრიდან ვიანგარიშეთ, მაშინ 108 ქორონიკონის 10 სექტემბერი უდრის 1419 წელს და ალექსანდრეს გამოფება მოდის ამ სიგლის მიხედვით 11 სექტემბ. 1412—11 სექტემბ. 1413 წლისა, რაიც მართლაც ეთანხმება სხვა უკვე ნახსენებ სიგლების ცნობას. მაშასადამე, 1419 წლის სიგელში წელიწადი ნაანგარიშევია 1 სექტემბრიდან და ალექსანდრეს გამეფებაც ამ დამატებითი ცნობის შემდეგ მიეკუთვნება არა უადრეს 1412 წლის 11 სექტემბრისა და არა უგვიანეს 1413 წ. 5 იანვრისა. საინტერესოა კიდევ ერთი სიგელი, რომელიც ბოძებულია 105 ქორონიკონს 29 სექტემბერს მეფობის ინდიქტიონს მე-6-ს⁶⁾). აქ, ცხადია, წელიწადი ნაანგარიშევია 1 იანვრიდან, ვინაიდან თუ წელიწადი 1 სექტემბრიდან ვიანგარიშეთ ქორონიკონი 105 უდრის 1416 წელს და მაშინ ინდიქტიონის მიხედვით ალექსანდრეს გამეფება მოდის 30 სექტ. 1410 წ. 30 სექტ. 1411 წ., რაც

³⁾ საქართ. სიძველ. II, 15,

⁴⁾ ქრონიკები, II, 220.

⁵⁾ ქრონიკები, II, 226.

⁶⁾ ქრონიკები, II, 224.

შეუწყნარებელია. ხოლო თუ წელიწადს პირველ იანვრიდან ვიანგარიშებთ, მაშინ ინდიკტიონის მიხედვით ალექსანდრეს გამეფება ამ სიგლით გამოდის 30 სექტ. 1411 წ. — 30 სექტ. 1412 წ. ახლა ამ ცნობას ზემოდმოყვანილ ცნობებს თუ შევეუფარდებთ, გამოდის, რომ ალექსანდრე გამეფებულა 1412 წ. 11—30 სექტემბერში. არის კიდევ ერთი სიგელი ალექსანდრე მეფისა, ბოძებული 101 ქორონიკონს, 20 სექტემბერს მეფობის ინდიკტიონს პირველს⁷⁾ თუ აქ წელიწადი 1 სექტემბრიდან იანგარიშება, რაც უფრო საგულისხმოა⁸⁾, მაშინ ალექსანდრეს გამეფება გამოდის 1412 წ. 11 - 19 სექტემბერში.

ამ გვარად, როდესაც მეფე ალექსანდრე საურის ამოკვეთის სიგელში ამბობს, 101 ქორონიკონს მეფედ დავჯედიო, წელიწადს ის ანგარიშობს 1 სექტემბრიდან. 101 ქორონიკონი ამის მიხედვით უდრის 1412 წ. 1 სექტემბ.—1413 წ. 1 სექტემბ. თვით ალექსანდრე კი მეფედ დამჯდარა 1412 წ. 11—19 სექტემბერს⁹⁾.

ამასთანავე საგულისხმოა, რომ მე-XV საუკ. პირველ ნახევარში ჩვენში წელიწადი 1 სექტემბრიდან იანგარიშებოდა, თუმცა ალექსანდრე მეფის ერთი ზემოდნახსენები 1417 წლის სიგელი გვიჩვენებს, რომ მისივე დროს უკვე ფეხს იდგამდა 1

⁷⁾ ქრონიკები, II, 220.

⁸⁾ ეს სიგელი დაწერილია დემეტრე მარკოზის შვილის მიერ. 108 ქორონიკონის სიგელში, რომელიც აგრეთვე ამ მწიგნობრის დაწერილია (ქრონიკე¹⁾ II, 226), როგორც ვნახეთ, წელიწადი 1 სექტემბრიდან იანგარიშება.

⁹⁾ ცნობილია კიდევ ერთი სიგელი ალექსანდრე მეფესა, დაწერილზეთ დათარიღებული, დაწერილი 107 ქორონიკონს 22 სექტემბერს მეფობის ინდიკტიონს მეხუთეს (ქრონიკ. II, 224). ამ სიგლის თ. ჟორდანას უნახავს მხოლოდ პირი და თარიღიც აქ შემცდარი უნდა იყოს, რადგან აქ ნახევრები ქორონიკონი და ინდიკტიონი არ შეესაბამება სხვა ცნობებს.



იანვრის დასაწყისი. მე-XV საუკ. მეორე ნახევრიდან კი ჩვენ-
ში გაბატონებულია I იანვრის ანგარიში, როგორც წლის და-
საწყისისა¹⁰⁾.

შენიშვნა: აქ უნდა აღვნიშნო, რომ რამდენიმე საბუთის მა-
სეღვით წლის I სექტემბრიდან ანგარიში მე-XV საუკუნის შემდეგაც
გატარდებოდა. მე-XVI საუკ. ერთს სენაქსარის გადაწერილი ამ-
ბობს: „აღწერე წიგნი ესე სენაქსარი ბრძანებითა ჰატონისა კასთ
დედოფლისა თინათინისათა, დავიწყო გრემს სხანსებსა დ'თისმშობლი-
სა სუადარსა შ'ა თუქსა დეკემბერს ექვსსა, ქქს სკვ, გათავდ აღანს
ტაძარსა შინა ნათლისმცემლისსა თუქსა ივნისა იბ, დღეს შაბათსა,
ქქსა სკვ, ზედნადებს კბ.“ *) გადაწერს გადაწერა წიგნისა დაუწ-
ევია ერთსა და იმავე ქორთიკონს დეკემბერში და გაუთავებია ივნის-
ში იმავე ქორთიკონს. ცხადია ქორთიკონი 223 აქ ხანგარიშეობა
1534 წლის I სექტემბრიდან 1535 წლის I სექტემბრამდის. აი
კადგე ერთი ფაქტი, რომელიც გვაშეგნებს, რომ აფხაზეთის საკათა-
ლიკოზოს ზოგიერთ ნაწილში წელიწადი I სექტემბრიდან იწ-
ევებოდა თვით მე-XVII საუკუნის დასაწყისშიაც. აფხაზეთის საკათა-
ლიკოზოს მამულების დიდი დაუთარი გადაწერილია კათალიკოზის მა-

¹⁰⁾ აღექსანდრეს შვილის გიორგი IX სიგელებში უპეტესად წელი-
წადი I იანვრიდან აოის ნაანგარიშევე. გიორგი IX გამეფდა 1447 წ. 31
იანვარსა და 11 ივნისს შორის (ჩემი „ვახტანგ, უცნობი მე-XV საუკ-
აფხაზ-იმერეთის მეფეთაგანი“ 15). ამის მიხედვით გამოდის, რომ შიპი
135, 137, და 151 ქორთიკონის სიგელებში (ქორთიკები, II, 260, 261;
საქართ. სიძველ. II, 19, ჩემი „მცხეთის საკათალიკოსო გუჯარი, 1447-
გიორგი IX-ს მიერ ბოძებული“) წელიწადი ნაანგარიშევია I იანვრიდან
და არა I სექტემბრიდან, რადგან თუ წელიწადი I სექტემბრიდან ვიან-
გარიშეთ, მაშინ გიორგი IX გამეფების თარიღი არ შეეფარდება სხვა სი-
გელებზე დამყარებულ ანგარიშს, იმ სიგელებზე, რომელნიც ბოძებულია
იანვრისა და აგვისტოს თვეებს შორის და რომელთა დათარიღებაც ამი-
ტომ წლის დასაწყისის მხრივ ფიქრებს არ იწვევს. (შეადარე ჩემს ნაჩვენ-
ებ შრომაში სია გიორგი IX-ს დაწერილებით დათარიღებულ სიგელე-
ბისა, გვ. 15).

*) ქორთიკები, II, 380.



დაქიას ბრძანებით და მისი გადაწერა დამთავრებულია 310 ქორანი-
კონს 8 ნოემბერს ხუთშაბათს. 310 ქორანიკონი უდრის 1622 წელს,
ხოლო 8 ნოემბერს ხუთშაბათი მოდიოდა 1622 წელს კი არა, არა-
მედ 1621 წელს. თუ აქ გადაწერს დღის სახელის ჩვენებაში შეც-
დომა არ მოსვლია, ცხადია, წელიწადი ნახვარიშევა I სექტემბრი-
დან. მე-XVI—XVII საუკუნეში საყოველთაოდ ჩვენში წელიწადი I
იანვრიდან იანვარიშევა, მაგრამ სხანს ეოფილას კიდევ ისეთი კუთხე-
ები, სადაც ჯერ კიდევ ძველებურა I სექტემბრის ანვარიშიც შენარ-
ჩუნებული ეოფილა.

